



25. april 2023

Siverth K. Heilmann

Inatsisartut suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqqutit.

- 1. Akiliisitsilluni takornarissanut kuunni eqalunniartitsisarnermi Kangia 957 – 04.14 suliaq 2023-5038 Naalakkersuisut Suliffeqarfiup Maniitsumi angerlarsimaffeqartup, Naalakkersuisunit 1. Januar 2024 atuutilersussamik itigartitsiniarneq qanoq tunngavilersorneqarpa?**
 - a. Suliap suliarineqarnera tamaat nassuiaqquneqarpoq.**
- 2. Kangiani illuaqqat allilerneqarput, angallammillu akuerisamik pisaarput, aningaasarparujussuit nukippassuit atorlugit inerisaasoqarpoq takornarissammi tikittartut ukiullu tulleriit arlalinnut inniminniisut amerliartuinnavimmata. Qinnuteqaatip suliarineqarnerani tamakku apeqqutaatinneqarpat?**
- 3. Naalakkersuisut tunngavilersuisinnaappat sooq Maniitsumi suliffeqarfiup takornarialerisartutut aallartermat allanut Sisimiuniittunut tunniunneqartussanngorneranut?**
- 4. Paasissutissat nutaat saqqummiunneqareernerisa kingorna, suliffeqarfiullu aningaasarparujussuit atoreeraat inerisaareersullu suli Naalakkersuisut aalajangiineq taamaattoq attatiinnarusuppaat?**

(Inatsisartuni ilaasortaq, Siverth K. Heilmann, Atassut)

Tunngavilersuut:

Maniitsup Sisimiullu nunaqarfittaasa eqqaanni eqaloqarfippassuaqarpoq. Kommuunet kattutinngikkallarattali Maniitsup eqqaanni eqalunniartarfitoqqat kinguariinni nangittumik paarilluarneqartarnerat ataqqineqarnissaallu pingaartillugu inerisarsimavarput. Takornarissanut akiliilluni eqalunniartitsiviusinnaasut, nunaqarfimmiortagut peqatigalugilluinnarlugit akuersisarsimanigut aqqutissiuuseqataaneralu ingerlattarsimavagut.

Kommuunelli kattussuunnerisa kingorna, pissutsit innuttaasunit sungiukkuminaassinnaatsinneqarlutik aporaassutigineqartarneri tusarsaaleraluttuinnarneri iluoornerilu isertuussinnaanngilakka. Aap kommuunemi ilaasortatut aalajangigassanut peqataasarpunga aammali iluarsisariaqakkanut eqqumaffigalugit apuussuisaqalunga, tamatigulli iluatsitsiviusanngitsunut.



Inatsisartuni Kommuune-nilu inatsisiliatsinnut peqqussutinullu naleqqussaajuartariaqarpugut. Ikiliartunngillat qinikkatut sulinermi pisinnaatitsigutta uagutsituulli aalajangiinissamut inassuteqaataasinnaasunullu tusarniaqqaannguarani. Pissutsit piviusut saneqqullugit soorlu uani taamaattoqarsimasutut nalilereersimagiga, susassaqtullu oqarasuaatikkut allakkatigullu paaseqatigiinnissaq anguniarlugu iluatsitsiviunngilluinnarmat apeqquteqaammik ingerlatitsivunga.

Neriullunga apeqquteqaatiga ullut qulit suliffiusut iluanni akineqarumaartoq.